

Consillu Armânjloru

(Consillu Makedonarmânjloru)

Head Office: *Moscopoli / Voskopoje – Curceaua / Korce – Po. Box 54, Korce, Albania*
www.makedonarman-council.org e-mail : info@makedonarman-council.org

Bulitinu Infurmativu

“Languages of the Wider World: Understanding Resilience and Shift in Regional and Minority Languages “ *Leeuwarden / Holandii, 06-08-li di Apriiru 2009*

Kiro di trei dzâli, 06-08-li di Apriiru 2011, s-dizvârti, Leeuwarden / Holandii, Conferentsa Internatsiunalâ cu numa di ma-ndzeanâ, andreaptâ di „Fryske Academy“ ditu reghionlu Frislân / Holandii deadunu cu SOAS (School of Oriental and African Studies) di la Universitatea di Londina.

Scupolu, mesagilu a conferintsâljei – idyulu ca sh-la conferentsa di aua sh-doi anji di la Universitatea di Londina – fu: „*Tuti miletsli au-ndreptulu sâ-shi nveatsâ shi sâ-shi ufiliseascâ limba di dadâ shi s-anveatsâ nica unâ icâ dauâ limbi. Aestu-ndreptu easti multi ori nitinjisitu andicra di atselji cari zburâscu unâ limbâ luyursitâ ca „reghiunalâ“, „minoritarâ“, icâ „comunitară“.*

Di partea a Consillui a MakedonArmânjloru loarâ parti la aestâ conferentsâ, prezidentulu CMA, Yiani Mantsu, cata cumu sh grâmâticlu ghegeneralu CMA, Niculaki Caracota. Di la “Uniunea a Makedonarmânjloru ditu Ghirmâni” lo parti Kira Mantsu. Trâ aestâ conferentsâ, Niculaki Caracota andreapsi unâ lucrari tu „Power point“ (tu anglica) cu thema: ”**Bilingualism, a new stage in the construction of the European identity – MacedonArmân bilingualism – an exemplar model in the Balkan states**”. Aestâ prizintari poati s-hibâ dyivâsitâ tu site-lu a consillui, www.makedonarman-council.org, sectsiunea “Co-operation”.

Ascultatâ cu multu sinferu, prizintarea fu furnjie di antribâri la cari s-deadi apandisi di partea a diligatsloru armânji.

Tu atseali trei dzâli, kiro cându s-dizvârtirâ lucrârli alishteî conferentsâ, sâ zburâ di catandisea a limbiloru cama ptsânu zburâti ditu Evropa, anamisa di cari easti sh-limba Armâneascâ. La conferentsâ loarâ parti profesori universitari avdzâts cata cumu sh personalitâts polititsi di la Consillu ali Evropâ.

Trâ Armânami fu nica unâ oarâ unâ bunâ furnjii trâ unu “lobby armânescu”.

Consillu a Makedonarmânjloru,
Biroulu di Cumândâseari

tu 20-li di Apriiru 2011

(Bulitinu Infurmativu Nr. 27)